

مشتاقنامه

مطبعه و محل اداره :

جفال اوغلانده امنیت
صندوقی جوارنده
شنکول یقوشنده
۲۲ نومرو

امطار :

مسلمکمزموافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و مشوره اسلامیه بحث ایررد هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

سنه لکی	التی آیفانی	غروش
ممالک عثمانیه ایچون	۶۵	۳۵
روسیه	۶۵	۳۰
سائر ممالک اجنبیه	۱۷	۹

در سعادتده نسخہ سی ۵۰ پاره در

قبرله دن مقوا بورو ایله کوندریلیرسه سنوی
۲۰ غروش فضله آلنیر

آلتیجی جلد

۲۳ رجب الفرد ۱۳۲۹ پنجشنبه ۷ تموز ۱۳۲۷

عدد : ۱۵۵

قدر دوام ایدن مناقشه‌دن صوکره ماده‌نک حالیه ابقاسنه قرار ویریلهرک جلسه‌یه ختام ویرلدی .

قونی‌ده پروتستانلق

قونی‌ده منتشر « بابالق » غزته‌سندن :

دوقتور داد بالواسطه آلدینی اراضینک اطرافنه دائرة عائده‌سندن رخصت رسمیه آلمقسزین دیوار چویرتمکه باشلامش و مذکور اراضینک یانی باشنده برطاقم ترلاری‌ده پیله‌مشدر . هفته‌ده‌ایکی‌کون برطاقم عائله‌لری کنجلی باشنه طویلامقده وخالقک اجتماعنه واسطه اولان بیانونک نغمات لطیفه‌سی ؛ سیم‌وزرک تأثیرات دلفریبی وکوزل سیمالرک التفات جاذبه‌داری سایه‌سنده افکار و حسیات ملیه‌یی اضلال وافساده چالیشمقده‌در .

دوقتور داد ، قونی‌یه‌کله‌لی برایکی آی اولدینی حالده بوکوچک مدت ظرفنده موضوع بحث اولان سرمایه‌لرله ایجه تمایلات احراز ایلدی . بوجه‌دن اولقی اوزره درت بش روم عائله‌سینه پروتستانلقی قبول ایتدیرمش و تکلیف ایتدیکی معاشرله قریباً تبدیل مذهب ایده‌نلرک چوغاله جنی شهسز بولنمشدر . هردرلو وعد وعیدلردن باشقه عائله‌لره شهری بش لیرادن اون لیرایه قدر معاش ویریور . بکارلره ویریلن مقدار ایسه آیده اوج یوز غروشددر . خرسیتان وطنداش‌لریمزدن بعضاری ، طولغون معاش ویریلیرسه پروتستانلقی قبول ایده‌جکلرینی علناً سویلمکده‌درلر .

حریت وجدان و سربستی ادیان واردر . هرکس ایستدیکنه کوره حرکت ایده بیلیر . فقط پاره ایله روح قازانیلماز . بونک بویه اولدینقی دوقتور داد ده‌ا اعلا بیلیر . بز کیمسه‌یه پروتستان اولماسون ، دیمه‌بورز . المزده کیمسه‌نک حرته قارشمق و حقوقه تجاوز ایتک حق یوقدر . یالکیز دیورزکه : دوقتور ، دین پرده‌سینک آرقه‌سینه کچرک حالاً و آتیاً منافع وطنیه‌مزه آل ویرمیه‌جک سیاسی انترقیقلر پشنده قوشیور ، بو کیلرک دکل قونی‌یه محیط صافنده ، ممالک عثمانیه‌نک هیچ بر یرنده جای قبول کورمه‌ملری لازم کلیر . دوقتورک قیصریده قیردینی بمورطه قرقی دکل قرق بیکی کچدی . میسیونرلرک سوری‌ده طوندقلری یول‌جمله‌نک معلومی . هیسترداد ، حکیم ایسه حکیم‌ملکنی یاپسون . میسیونرایسه حکیمکدن ، سیاسی روللردن آلنی چکسون . وظیفه‌سی سیاسی روللر چویرمکسه و قتیله خبرویرسون ایکی قارپوز بر قولتوغه صیغماز دیرلر . بو آدم ایکی یوزنی بردن صیغدیریور . بزم بیله‌یکم بو قادر . کیم بیلیر ، ده‌ا عقل ایردیره . مدیکمز ، بیله‌مدیکمز نه قدر شیلر واردر . اکر قاپیتولاسیونلر ، فلانلر ممالک عثمانیه‌نی هرشیته مساعد بر یملک حالنه وضع ایدیور و آغزیمزی آچمقدن سوز سویله‌مکدن بزى منع ایدیورسه ملکمزک آناختارلرینی اللرینه تسلیم ایدم . کچینه‌جک بر یر کوسترسونلر ! ایش عادتا آچمقدن آچیغه بو درجه‌یه وارییور . دون اداره‌خانه‌مزه

اجتماع اولمقله بختیار بولونیور . استبدادک سینئه ملتله اجدینی جریملر ایچنده بلغارستانده یاشایان بر آووج معلم بولندن الی سنه اولده ایملک قونفره‌لرینی طبیعتک بورایه بخش ایتدیکی کوزللکار ایچنده یکریمی اوج اعضا ایله کشاد ایتشاردی . اووقت استبدادیادکارلرینک تأثیر نفوذندن آزاده بولنقی ایچون کوچک بر مکتبک پنهان براوطه‌سنده اجتماع ایدن بلغارستان معلمین اسلامی‌سی ، بوکون مکتب رشدینک واسع سالوننده یکریمی اوج اعضایه بدل یوزیکریمی سکز اعضا ایله مذاکره ایدیور ، مخفی اجتماعلر یرینه بوکون عائنی اجتماعلرله افکار معلمین وماتی تنویر ایدیور . شمنی ایسه بلغارستان مسلمانلرینک معلمین اردوسنی آغوش شفقتده طومقله ، اولره طبیعتک کافه حقایقی کوسترمک ایسته‌یه‌رک اعلان سرور وشادمانی ایلور . نه قدر تضاد ! باقی‌کز شوتنوع افکاره‌که الی سنه اول ایملک قونفره‌یه اشتراک ایدن اعضالرایله کورو-شمکده ، قوشمقده توحشر ایدن بعض شمنیلر بوکون آغوش مهمما-ننوازیلرنده معلمین اردوسنی کورمکه مسرور اولیورلر .

استقبال ملتی تأمین ، تعلیم و تربیه ایله مشغول اولان معلمینک نه تخمه‌غرسا مشکلات قارشیسنده بولندقلرینی تقدیر ایتمش اولدقلرنددر که شمنیلر و وطنک استقبالی حاضر لامغله مشغول اولان معلمین اردوسنه قارشى بر قلب رقیق ایله متحسس بر اقدی حاصلی شمنیلر وظیفه مهماننوازی‌یی بحق ایفا ایله صمیمی قلبلری وررقیق نظرلریله دائماً معلملری حرمتله تبریک ایدیورلر .

قونفره حزیرائک ایکنجی کونی یوز یکریمی سکز اعضا ایله کشاد اولندی . کشادی متعاقب رئیس ، رئیس معاونی و کاتبلرک انتخاباتی اجرا ایلندی . بعده مئارف نظارتنه قونفره اجتماعنی مشعر بر تلغراف کشیده اولندرق روز نامه مذاکرانه باشلاندی . برنجی ماده جمعیت نظامنامه اساسینک برنجی ماده‌سینک تعدیلانی حاوی اولدیغندن بو ماده‌نک مذاکره‌سیله عریض و عمیق اشتغالدن برچوق اعتراضاتدن صوکره ماده‌نک حالیه ابقاسنه قرار ویرلدی . بونی متعاقب شمنی بلغار معلمین جمعیتی شعبه‌سی طرفندن برای تبریک اعزام اولنان بالغارنوف بلغار معلمین جمعیتک تبریکات صمیمانه‌سی قونفره هیئته عرض ایله یارم ساعت قدر امتداد ایدن بیانات رفقانوازانده بولندی . سوزلرینک اک مهملری بلغار معلمین جمعیتک اون یدی سنه‌دنبری دوام ایدن اجتماعلرینک هیچ برنده نظارته تلغراف کشیده اولندینی حکومت رجا دکل بالعکس مقاومت ایده‌رک هر امللرینک اجرا اولندینی و بو طلب معلمینک حق صریحی اولدینی ، بلغار و ترک معلملرینک آل‌اله ویره‌رک چالش‌ملری حقارینک ده‌افضله محفوظیت واستردادینه دلالت ایده‌جکی نقطه‌لرینی تشکیل ایدیوردی .

بونی متعاقب القیشلر ایچنده تبریکی متضمن کلان تلغرافلر او قونفره‌جک جلسه‌یه ختام ویرلدی . ایکنجی جلسه ده روس‌جق شعبه‌سینک تکلیفی اوزرینه ۳۹ نجی ماده‌نک مذاکره‌سینه کچیلهرک (قونفره‌لرک شعبه‌لردن کوندریله‌جک مرخصلره کشادی) ایکی ساعت

فقیر بر قادیان کلدی. قوجاغنده کی چو جنی کوستردی. اون بش یکر می کون اول دو قنور دادک بر خلی باره آلهرق چو جغفک مئانه سینه عملیات یادیغنی و صوکره هیچ باقیوب چو جغفک اوچ یرندن تبول ایتمکده اولدیغنی سویلدی. هکیملکک، جراحلکک اسمی نامه شو معامله یه تأسف اولنور. جراح نامی آلتده بوانسان قصابلرینک خنجر اعتسافی ونیشتر احتراصی آلتسه بویونلری عزی اوزادییوروز. فقط حالانه آکلایان، نه سوران واردر؟!

شون

مصر:

اسلام جمعیتین تظییی. — هیچ بر حقه مستند اولمادیغنی حالده مصرک صاحب ومالکی کچین انکلترونک طای اوزرینه قاهره ضابطه سی، یرلیرک «تشویق معارف» جمعیتی اعضاسندن بعضیلرینی توقیف ایتدیرمشدر. بونلردن باشقه «حمایه ایتم» و «اتحاد اسلام» جمعیتلری اعضاسندن بعضیلرینی توقیف ایله استنطاق ایتدیرمکده در. اساساً هر اوچ جمعیت غیر سیاسی، صرف مدنیدر. اولکی ایکسینک اسملری، مقصدلرینی ایضاحه کافی اولوب، «اتحاد اسلام» جمعیتی ده انجق بین المسلمین موجود اختلافات مذهبییه نك ازاله سینه چالیشیر بر هیأت دینیه دن عبارتدر. فقط تشویق معارف جمعیتک غایه مقاصدی مصر اهل اسلامنی غربیلیرک مسیونر مکتبلرندن قورتارمق ایچون مکاتب خصوصیه ملییه یی تکثیر ایتک اولدیغندن، «حمایه ایتم» جمعیتی فقیر یتیملری نصرانی دارالایتملرینه دوشوب دین و ملتیرینی غائب ایتمکدن قورتارمیه چالیشدیغندن، اتحاد اسلام، جمعیتی ایسه اوروپانک شرق اسلامیده غلبه سنی تأمین ایدن نفاق وشقاقک ازاله سینه اوغراشدیغندن، انکلیزلرک کوزینه باطمش وفساد وافتراک قوی وسائط سیاستندن اولان بوخیاستکار حکومت مذکور جمعیتلره افکار سیاسیة اختلالکارانه اسناد ایدهرک تضییقلرینه موفق اولمشدر.

انکلیز مأمور سیاسینک دیکشمنی. — مشهور لورد قرومرک دانشوای حادثه سی تأثیریه چکله سنی متعاقب، سیر آلدن غورست، مصرده انکلیز مأمور سیاسیی تعیین اولونمشدی. قرومر مصری، هر خصوصده لوندریه طانیشمق محبوریتمده اولمقسزین، یعنی واسع بر مآذونیت ایله وبالذات اداره ایتمکده ایدی. مصرده هرکس بیلیو-ردی که اصل حاکم لورد قرومردر. مصر افکار وحرکات ملیه سنک قوت وشدت کسب ایتمه سی، آلدن غورست زماننده، ایکنجی بر طرز سیاستک تعقیبی استلزام ایتدیردی. انکلترون حکومتی سیر غورسته، لورد قرومر قدر واسع مآذونیت ویرمدیکی کی، بوتون اموری حکومت مصریه نامه تدویر ایتک اصولی تعقیب ایتدیردی. غورست، قرومرک برینه کچمده دن اول، طول مدت مصر داخلیه ومالیه نظارتلری مستشارلغنده بولنش و رجال مصریه کنسیدنی حلیم

واو یصال بر آدم اولهرق طانمشدی. رأساً مأمور اولدقدن صکره، غورست دیکشمن کی کوریندی، مصرک حریت و مختاریتنی استحصاله چالیشان وطنی وملی حزبلرک علیینه حکومت مصریه نك توسل ایتدیکی تدابیر شدید، هپ آلدن غورست زمان مأموریتنده وقوعه کلشدر: حزب وطنی رئیس فرید بک آلتی آی، شیخ عبدالعزیز ایکی دفعه بر قاج آی حبسه محکوم اولدی. وردانی، شهید ایدیلدی. مطبوعات قانونی تشدید اولنوب مستقل الرأی و ملتپرست غزله لردن بر قاجی قناتدیریلدی. بوتون بوتضیقاتی ظاهر آ یایان حکومت مصریه ایدی، فقط حقیقته حکومت مصریه یی بوافعاله سوق ایدن ایپلر غورست واسطه سیله لوندریه مربوط ایدی. ایسته بو غورست، بر قاج کون اولیسی اولدی، ولوندره حکومتی اونک یرینه لورد کیچنری، مصره مأمور سیاسی تعیین ایتدی.

لورد کیچنر، بر خلی مدت اوتده بریده سرسری طولاشدقدن صوکره ژاندارمه سیکباشیاغیله مصر خدیوتی خدمتته کیرمش بر ایرلاندا لی ضابطدر. کیچنرک هیچ ده شایان غبطه اولمایان ایلک آوازه شهرتی سوداندن ایشیدیلیمشدی: سردار کیچنر عنوانیه مصر و سودان عسکرینه قوماندن ایدهرک خرطومده داخل اولدیغنی زمان متهمدی وعائله سنک قبرینی آجیدروب نهشی یاقدیرمش، وکولنی نیل نهرینه آتدیرمشدی؛ سودانک حاکمی اولان باقره قبیله سی اسرا و مجروحینی قتل عام ایتدکدن باشقه اوقبیله نك قانی علی الاطلاق هدر اعلان ایله مشدی... عصریمزک الکمدنی قومی ادعاسنده بولونان انکلیزلردن برضابطک قرون اولی فرعونلرینی آندیران بو وحشتی، اوزمانلر متهمدینک اولیاء الله دن اولمادیغنی اثبات ایچون ارتکاب اولنمشدر، دیه عالم نصاراجه تصویب اولنیوردی! جنرال کیچنر، بو وحشتلرینه مکافاة خرطوم لوردی نصب ایدیلدی، بویله جه انکلترون مجلس اعیاننده بر موقع قرائتش اولدی. لورد کیچنر، ترانسوال حربنک نهایتلرینه طوغری، سوداندن آلتوب، سفریر اردونک باش قوماندانلغنه تعیین ایدیلیمشدی. اوراده، بور عائله لرینی آچقله تسلیم آلق اصول حربنی تطبیق ایدهرک، بر جوق بیکنانه وغیر محارب قادین وچو جقارک آچلقدن اوله لرینه سببیت ویرمشدر. کیچنرک ترانسوالده بو طرز حرب ایله آلدینی شهرت فضیحه سودانده نهش یاققله قراندینی جهنمی هاله شرفدن اصلاً آشاغی قالمامشدر. ترانسوال ظفری؛ جنرال کیچنر الی بیک انکلیز لیراسیله مشیرلک قراندیردی، لکن بر قسم انکلیزلرک توجه و محبتی تماماً غائب ایتدیردی.

انکلیزلر بوقیل آدملری قوللانیرلر، اما سومنار هله اصل انکلترون ده هیچ اوطور تمازلر، مطلقاً مستملکانه کوندروب، باشقه لرینک باشنه مسلط ایدرلر... کیچنر، ترانسوالدن هندستان باش قوماندانلغنه تعیین اولونمشدی، شمدی ده مصره کوندریلیور. اون اون ایکی سنه لک بر غیوبتدن صکره، کیچنرک نیل وادیسنه عودتی، ام دنیا ساکنلرنجه بک ده سرورایله تلقی اوله جق بر حادثه اولماسی کرکدر. مع مافیه، شهر مزده فرانسزجه چیقان بر جریده، کیچنرک مصره